

1 Yon

Yon beleŋ haŋkapyā asaŋ gago kayyiŋ

Mere forok yeŋbe Al Kurunŋ diliŋde al gergeŋ yiryiŋ

1 ¹Be, asaŋ gabe al kura Al Kurunŋyen Mere ineŋ haŋyen al goke kayeŋ tihim. Al gobe alyā bereya megeŋ haŋ kurunŋ gayeŋ Al Kurunŋ diliŋde gergeŋ yird yird al. Yeŋbe megeŋya naŋkiŋya, irde det kurunŋ gayeŋ forok ma yekeya hinhiŋ. Neŋbe al gore mere tike nurde hinhet, dilniŋiŋde keneŋ hinhet. Irde mata teŋ hike keneŋ hinhet, irdeb hanniniŋde wor po sisaŋ urde nurde hinhet. ²Alyā bereya Al Kurunŋ diliŋde gergeŋ yird yird al goyeŋ Al Kurunŋ beleŋ teŋ kawan irke tumŋaŋ ala keneŋ hinhet. Irdeb yeŋ ge tagalde hityeŋ. Yeŋbe alyā bereya goyeŋ Al kurunŋya heŋ heŋ gote miŋ al. Al gobe Al Kurunŋya momŋoŋde hitiŋ al. Al Kurunŋ beleŋ dilniŋiŋde kawan irke kintiriŋ goyeŋ goke gago momoŋ dirde hite. ³Neŋbe al goyeŋ keneŋ hinhet, irde meremiŋ nurde hinhet kurunŋ goyeŋ momoŋ dirde hite. Gogab deŋ wor yeŋ ge dufaytiŋ tareŋ irkeb neŋya tumŋaŋ awalikde hitek. Irdeb deŋya neŋya tumŋaŋ Al Kurunŋya Urmiŋ Yesu Kristuya irde awalikde hitek. ⁴Niŋgeb asaŋ ga kaŋ hite gabe deŋ wor bebak teŋ Yesu niŋ dufaytiŋ saŋiŋ irkeb deŋya neŋya tumŋaŋ amāŋ hetek yeŋbe gago kaŋ hite.

Al Kurunŋ diliŋde wukkeŋ heŋ yeŋya awalikde hitek

⁵Be, saba Yesu beleŋ dirke nurtiŋ goyeŋ gago momoŋ dirniŋ tihit. Meremiŋbe gahade: Al Kurunŋbe hulsi yara wukkeŋ wor po, mata bulunŋ miŋmoŋ. Mata bulunŋyen kidoma goyeŋ dirŋeŋ muŋ kura yeŋ hitte ma hi. ⁶Niŋgeb neŋ gayeŋ Al Kurunŋya awalikde hite yeŋ hitek gega, kidoma bana hitek gobe usi teŋ hitek, irde Al Kurunŋyen mere fudiŋde goyeŋ ma gama irde hitek. ⁷Goyeŋpoga neŋ gayeŋ Al Kurunŋ hulsi yara wukkeŋ wor po hi gwahade goyeŋ heŋ mata igiŋ po teŋ hitekbe fudiŋde wor po neŋbe

kadniniŋya awalikde po hitek. Irdeb Yesu neŋ ge teŋ darim wok irde kamyiŋ goke teŋ Al Kurun belen mata bulunniŋ halde dunke wukkek wor po hitek.

⁸Be, neŋ gayen mata bulunniŋ miŋmoŋ, neŋbe huwak hite yeŋ hitek gobe nindikeŋ usi wor po irde hitek. Gwahade yeŋ hitek gobe Al Kurunyen mere fudinde goyen bininiŋde ma hikeb gogo gwaha yeŋ hitek. ⁹Munaŋ neŋ gayen mata bulunniŋ goke Al Kurun pohogay irde hitekbe yeŋ belen halde dunyeŋ. Irde yeŋ diliŋde mata huwak moŋ goyen yad siŋa yirde wukkek diryeŋ. Yeŋbe gwaha tiyeŋ yiriŋ gobe fudinde wor po gwaha tiyyeŋ, irde mata huwak po teŋ hiyeŋ al geb, gogo mata bulunniŋ halde dunen wukkek diryeŋ. ¹⁰Be, Al Kurunbe al gwahade geb, neŋ gayen mata bulun ma po teŋ hityeŋ yetek gobe Al Kurunbe usi al intek. Gwaha teŋ hitekbe meremiŋ goyen epte ma bininiŋde hiyeŋ.

Yesu Kristu belen faraŋ durde hi

2 ¹Ningeb, diriŋne yago, asaŋ gabe mata bulun ma teŋ hinayiŋ yeŋ gago kaŋ hime. Goyenbe kurare soŋ heŋ mata bulun titekbe mata bulunniŋ halde dunen dunen niŋ Adoniniŋ Al Kurun gusuŋaŋ irtek al kura hi. Yeŋbe Yesu Kristu, Al Huwak wor po. ²Yeŋbe mata bulunniŋ Al Kurun belen halde dunwoŋ yeŋ nurdeb neŋ ge teŋ kamyiŋ. Kamyiŋ gobe neŋ ge po moŋ, alya bereya kurun meŋ ga hike kwa goyen goke manaŋ kamyiŋ.

Al Kurun nurd unen haŋ marbe meremiŋ gama irde haŋ

³Be, neŋbe Al Kurun belen gwaha gwaha teŋ hinayiŋ dintiŋ goyen teŋ hitekbe fudinde Al Kurun nurde unen hite yeŋ nurde hitek. ⁴Goyenbe al kura belen, “Nebe Al Kurun kenkela nurde unen hime,” yiyyeŋ gega, mata gwaha gwaha teŋ hinayiŋ yitiŋ goyen ma teŋ hiyeŋ al gobe usi al. Al gobe Al Kurunyen mere fudinde goyen biŋde ma hiyeŋ geb, gogo gwaha teŋ hiyeŋ. ⁵Munaŋ al kura Al Kurunyen mere gama irde hiyeŋ al gobe fudinde wor po Al Kurun niŋ amaŋen nurde hiyeŋ geb, gogo gwaha teŋ hiyeŋ. Neŋbe mata gwahade teŋ hitek gab fudinde Al Kurunya hite yeŋ bebak teŋ hitek. ⁶Ningeb al kura, “Nebe Al Kurunya har,” yiyyeŋ al gobe Yesu belen mata igiŋ teŋ hinhin gwahade po teŋ hiyeŋ.

⁷Be, kadne yago, nebe saba gergeŋ kura ma kaŋ dunen hime. Haŋkapy a ne belen saba dirmeke nuramiŋ goyen po sopte kaŋ dunen tihim. ⁸Goyenbe saba gobe haŋka saba direŋ tihim goya tuŋande. Saba gote igineŋ fudindebe Yesu belen mata teŋ hinhin bana goŋ mat kawan forok yeŋ hinhin. Irde matatiŋde wor kawan forok yeŋ hi. Gwaha teŋ hi gobe kidomare niŋ mata bulunbe hubu heŋ hikeb hulsire niŋ mata igiŋ fudinde goyen bikkeŋ kawan heŋ kurun heŋ hi geb, gogo gwaha teŋ hi.

⁹Ningeb al kura, “Nebe hulsire hime,” yeŋ hi gega, kadom kura goke igiŋ ma nurde haram irde hi al gobe kidoma bana po hi. ¹⁰Munaŋ al

kura kadam niŋ amañen nurde hi al gobe hulsire hi. Irkeb dufay buluŋ kura binde ma hi geb, epte ma soŋ heŋ mata buluŋde katyen. ¹¹Goyenbe al kura kadam kura goke igiŋ ma nurde haram irde hi al gobe mata buluŋyen kidoma bana po heŋ gor niŋ mata po teŋ hi. Al gobe mata buluŋyen kidoma bana hi geb, kidoma gore diliŋ pet tike belen ma kenen kuŋ hiyen go gwahade goyen po, mata buluŋ po teŋ hi.

¹² Deŋ diriŋbe Yesu Kristu belen mata tiyyiŋ goke teŋ Al Kuruŋ belen mata buluŋtiŋ halde duntiŋ haŋ geb, gago asaŋ kaŋ duneŋ hime.

¹³ Deŋ salanŋeŋbe Yesu Kristu gwahader hitiŋ al goyen nurde unen haŋ geb, gago asaŋ kaŋ duneŋ hime.

Deŋ al foŋeŋbe Satan mata buluŋde dukutek al goyen fole iran geb, gago asaŋ kaŋ duneŋ hime.

¹⁴ Deŋ diriŋbe Adoniniŋ nurd unen haŋ geb, gago asaŋ kaŋ duneŋ hime. Deŋ salanŋeŋbe Al Kuruŋ gwahader hitiŋ al goyen nurde unen haŋ geb, gago asaŋ kaŋ duneŋ hime.

Deŋ al foŋeŋbe tareŋ po Al Kuruŋ niŋ hekkeŋ nurde haŋ, irde meremiŋ goyen bitiŋ bana kerde gama irde haŋ, irde Satan mata buluŋde dukutek al goyen fole iran geb, gago asaŋ kaŋ duneŋ hime.

Megen niŋ mata goke amañen ma nurnayiŋ

¹⁵⁻¹⁶ Niŋgeb deŋbe megen niŋ marte mata buluŋya dufay buluŋya kurayen kurayen kuruŋ goke amañen ma nurde hinayiŋ. Mata megen niŋ mar belen teŋ haŋyen gobe gahade: uliŋde po amañ hetek belen niŋ naŋkenen haŋ, irde det kura kenen tetek po yen goke po nurde haŋ, irde detminiŋya matamiŋya goke yingen turuŋ turuŋ teŋ haŋ gobe megen niŋ marte mata. Mata gwahade teŋ haŋ kuruŋ gobe Al Kuruŋ hitte mat ma watiŋ. Mata gobe megen gar niŋ po. Niŋgeb al kura megen niŋ marte mata buluŋ goke amañen nurde hi al gobe epte ma binde mat Adoniniŋ ge amañen nuryen geb. ¹⁷Megen niŋ marbe hubu henayiŋ, irde mata buluŋ titek dufay go manañ hubu hiyyen. Goyenbe Al Kuruŋyen dufay gama irde haŋ marbe yenya hugiŋen hinayiŋ.

Yesu Kristu asogo irde haŋ mar niŋ keŋkela henan ko

¹⁸ Be, diriŋne yago, nalu gayenterbe megen gayen hubu hetek gobe binde heŋ hi. Nalu funaŋ binde hekeb Yesuyen asogo wayyen yeke nurde haŋyen gwahade po, asogomiŋbe bikken budam forok yaŋ. Niŋgeb go mar goyen yeneŋbe nalu funaŋbe binde heŋ hi yen bebak teŋ hite. ¹⁹Mel gobe Yesu gama irhet irhet tikeb nenya tumŋaŋ hinhet gega, dubul diran. Mel gobe nenya tumŋaŋ hitek moŋ. Munan tumŋaŋ hitek manhan nenya awalikde hitewoŋ. Goyenbe mel gobe neŋ dubul teŋ kuŋ Yesu asogo irde haŋ geb, matamiŋ goreb, “Neŋbe dende moŋ,” yen dikala dirde haŋ.

²⁰Denbe Yesu belen Holi Spirit duntin han geb, den tumnan mere daminbe Al Kurunyen mere fudinde goyen bebakken nurde han.

²¹Ningeb asan kan hime gabe mere fudinde goyen ma nurde han yen gago asan kan duner hime? Mon. Denbe mere fudindebe damin goyen nurde han, irde usi merebe saba fudinde goyenter mat ma forok yen hi yen nurde hime geb, asan gago kan duner hime. ²²Ningeb denbe usi albe ganun yen nurde han? Usi al gobe, “Yesube Mesaia mon,” yen hi al gogo. Al gwahade gobe Yesu Kristuyen asogo wor po. Al goreb Al Kurunbe Yesu Kristu Nani, irde Yesu Kristube Al Kurun Urmin goyen fudinde yen ma nurde hi. ²³Ningeb al kura Al Kurun Urmin pel irde han marbe Nani wor pel irde han. Mun al kura Al Kurun Urmin nurd unen han marbe Nani wor nurd unen han. ²⁴Ningeb saba han kapa dirmeke nuramin gobe bitinde kerde kenkela po gama irde hinayin. Gwaha ten hinayinbe Al Kurunya Urmin Yesuya irde hinayin. ²⁵Irde gwaha ten han marbe Al Kurunya huginen hinayin yen Yesu belen bin tiyyin goyen dunyen.

²⁶Be, nebe mata bulun katnayin yen bitin yawarnin kurut yen han mar goke hayhay dire yen asan gago kan duner hime. ²⁷Denbe Yesu belen Holi Spirit dunyin goyen den bana hi. Ningeb al kura belen epte ma saba dirtek han. Holi Spirit yingen belen daminbe fudinde goyen tumnan saba dirde hi. Irde sabaminbe fudinde usi mon geb, Holi Spirit belen dinen hiyen gwahade po, Yesu Kristuya po hinayin.

Nenbe Al Kurun dirnen wen

²⁸Be, dirinne yago, huginen yenya hinayin. Gogab yen mulgan hen megen gar wan wan natureb kenen kenen nin kafura ma henayin, irde memya ma henayin. ²⁹Denbe Yesu gob al huwak wor po yen nurde han kenem alya bereya Al Kurun dilinde mata huwak ten han mar gobe Al Kurun dirnen wen yen nurde hinayin.

3 ¹Fudinde wor po, Adonininbe nen gayen gake bubulkunne wor po yen nurde duner hiyen. Irde gwahade nurde duner hiyen gobe kurun wor po geb, dirinne wen dinen hiyen. Fudinde, nenbe yende dirnen wen! Goyenbe megen nin mar belen nenbe Al Kurunyen dirnen wen hitin goyen bebak ma ten han. Mel gobe Al Kurun ma nurde unen han geb, gogo denen bebak ma ten han. ²Kadne yago, nenbe Al Kurunyen dirnen wen. Gega gayenterbe kame dahade hetek gobe ma nurde hite. Goyenbe Yesu Kristu wake gab yenbe dahade hi goyen kente geb, nen wor yen yara hetek gobe nurde hite. ³Ningeb al kura kame gwahade hitek yen nurde goke doyan hen han marbe Yesu gobe mata bulun minmon wukken hi gwahade po, mel goyen wor mata bulun ma ten Al Kurun dilinde wukken po hinayin.

⁴Be, mata bulunbe Al Kurunyen saba pel ird ird mata. Ningeb al kura mata bulun tiyyen al gobe Al Kurunyen saba pel iryen. ⁵Goyenbe Yesu

belen nende mata bulun yad siŋa yiren yeŋ wayyiŋ goyen denbe nurde haŋ gogo. Fudinde, yeŋbe mata bulun miŋmoŋ wor po. ⁶Niŋgeb al kura yeŋya haŋ marbe mata bulun teŋ tebaŋ ma teŋ hanŋyen. Munan al kura gwaha teŋ haŋ marbe Yesube al gwahade yeŋ bebaŋ ma teŋ haŋ irde yeŋ ma nurde unen haŋ mar.

⁷Niŋgeb, diriŋne yago, al hoyan belen mata bulunde dukunak geb, kenkela heŋ ga hinayiŋ. Al kura mata huwak po teŋ hi al gobe Yesu Kristu al huwak gwahade goyen po, yeŋ wor Al Kurun diliŋdebe al huwak. ⁸Munan Satan gobe megenya nanŋkinŋya ma forok yekeya mata bulun miŋ uryiŋ al geb, al kura mata bulun teŋ hi al gobe Unŋgura gote diriŋ. Al Kurun Urmiŋ megen gar katiŋ gobe Unŋgurayen meten bulun goyen isikame yeŋbe gogo katiŋ. ⁹Niŋgeb al kura Al Kurunyen diriŋ hitiŋ al gobe Naniŋde dari igiŋ goyen miŋyan hi geb, mata bulun kuyiŋ kuyiŋ ma teŋ hiyen. Al gobe Al Kurunyen diriŋ geb, epte ma gwaha teŋ hiyen. ¹⁰Niŋgeb al kurate mata kenenbe al gobe Al Kurunyen diriŋ ma Unŋgurayen diriŋ goyen bebaŋ teŋ hityen. Mata gobe gahade: al kura Al Kurun diliŋde mata huwak moŋ goyen teŋ hi al gobe Al Kurunyen diriŋ moŋ, irde kadom niŋ amaneŋ ma nurde hi al go wor Al Kurunyen diriŋ moŋ.

Kadtiŋ yagoya kadom amaneŋ nurd gunen teŋ hinayiŋ

¹¹Be, den belen hanŋkapa wor po Yesu gama irde Al Kurunyen mere nuramiŋ gobe gahade: kadniniŋ yagoya kadom amaneŋ nurde gunen teŋ hitek. ¹²Niŋgeb denbe Kein yara ma henayiŋ. Yeŋbe Satan yufuk bana hinhin geb, kuliŋ yende gogo mayke kamiŋ. Goyenbe da misiŋde kuliŋ mayke kamiŋ? Gobe Al Kurun diliŋde Keinyen matabe bulun wor po, munan kuliŋdebe huwak geb, kuliŋ niŋ igiŋ ma nurdeb gogo mayke kamiŋ.

¹³Niŋgeb, kadne yago, megen niŋ mar belen igiŋ ma denen haram dirkeb goke hurkunŋat ma tinayiŋ. ¹⁴Neŋbe kadniniŋ yago niŋ amaneŋ nurd gunen teŋ hite. Niŋgeb kamde kamde tareŋ goyen fole irde Al Kurunya hugiŋen hitek yeŋ nurde hite. Niŋgeb al kura kadom niŋ amaneŋ ma nurde hi al gobe Al Kurunyen diliŋde al kamtiŋ hi. ¹⁵Irde al kura kadom niŋ igiŋ ma nurde haram irde hi al gobe al gasa yirke kamde kamde al yara. Niŋgeb al gwahade gobe epte ma Al Kurunya hugiŋen hiriryen gobe nurde haŋ gogo.

¹⁶Munan Yesu Kristube neŋ ge teŋ yingen ge ma nurde kamiŋ. Niŋgeb mata tiyyiŋ goreb kadniniŋ ge amaneŋ nurtek belen goyen dikala dirde hi. Goke teŋbe neŋ wor kadniniŋ ge amaneŋ nurdeb igiŋ yeŋ ge teŋ kamtek. ¹⁷Goyenbe al kura samun miŋyan gore kadom kura det niŋ amu heŋ hi goyen kura kinyen gega, buniŋen ma nurde unyenbe dahadem, “Nebe Al Kurun niŋ amaneŋ nurde unen hime,” yiyyen? Epte

monj. ¹⁸Ningeb, dirinne yago, mohorjniningde mat po kadininiŋ yagon amaneŋ nurde yuneŋ hite ma yeŋ hitek. Gwaha titneŋbe bininiŋde mat fudinde wor po faranŋ yurde hitek. ¹⁹⁻²⁰Gwaha titekbe neŋbe Al Kurunyen mere fudinde goyen po gama irde hite yeŋ nurtek. Munanŋ mata kuranŋ nurde bulunŋ titiŋ yeŋ bininiŋde mat goke po kandukneŋ nurde hityen gobe dufayniniŋbe wukkeŋ monj geb, gogo gwaha teŋ hityen. Gega Al Kurunyen dufaybe nende folek, irde neŋ ge keŋkela wor po nurde hi geb, neŋ beleŋ kandukneŋ nurtek mata goke beararneŋ ma nurde dunen hiyen. Ningeb Al Kurunya heŋ yeŋya mere teŋ teŋ niŋ kafura ma heŋ hite gago.

²¹Be, kadne yago, Al Kurunbe gwahade po mataniniŋ ge mali ma dinen teŋ hiyen. Ningeb neŋbe meremiŋ po gama irde mataniniŋ ge kandukneŋ ma nurdeb Al Kurunya mere teŋ teŋ niŋ kafura ma heŋ hityen. ²²Irdeb det kuranŋ nurde gusunanŋ irde hityen kurunŋ gobe tumnanŋ dunen hiyen. Neŋbe meremiŋ po gama irde mata kura yeŋ beleŋ aman hetek goyen po teŋ hityen geb, gogo det kuranŋ gusunanŋ irtekeb det gobe tumnanŋ dunen hiyen. ²³Be, sabamiŋ kurunŋ gote miŋ wor pobe gahade: Yesu Kristube Al Kurunŋ Urmiŋ gobe fudinde yeŋ nurtek, irde Yesu beleŋ yiriŋ gwahade po, kadininiŋ yagon amaneŋ nurd gunen teŋ hitek. ²⁴Al kura sabamiŋ goyen gama irde mata teŋ hanŋ marbe yeŋya hanŋ, irke yeŋ wor mel goya hanŋ. Munanŋ Yesu neŋya hite gobe Holi Spirit Al Kurunŋ beleŋ duntinŋ gore bebak dirkeb nurde hite.

Al Kurunyen mere basanŋ mar falkuk niŋ keŋkela heŋ hinanŋ ko

4 ¹Be, kadne yago, megen gabe Al Kurunyen mere basanŋ mar porofet falkuk budam wor po hanŋ. Ningeb al kura wanŋ, “Nebe Holi Spirit beleŋ mere nunke gago tagalde hime,” yeke bemel ma yeŋ ge hekken nurnayiŋ. Gwaha titneŋbe al go fudinde Holi Spirit beleŋ mere irtiŋ ma gwahade monj goyen keŋkela keneŋ bebak teŋ hinayiŋ. ²Ningeb al gote sababe fudinde Holi Spirit beleŋ untiŋ ma ungura beleŋ untiŋ goyen bebak teŋ teŋ gote belneŋbe gahade: al kurat sabareb Yesu Kristube Al Kurunŋ Urmiŋ gega, al heŋ megen gar hinhin yekeb saba gobe fudinde Al Kurunŋ beleŋ untiŋ yeŋ nurnayiŋ. ³Munanŋ al kurat sabare Yesu niŋ gwaha mat ma tagalkeb al gote sababe Al Kurunŋ hitte mat ma watiŋ yeŋ nurnayiŋ. Al gobe Yesu Kristuyen asogom gote saninŋde gwaha yeŋ hiyen. Yesu Kristuyen asogom gobe wayyen yeke nurde hanŋyen gobe gogo bikkenŋ wayunŋ geb, megen gar hi.

⁴Be, dirinne yago, denbe Al Kurunyen alya bereya. Irdeb Holi Spirit denŋ bana hi gote tareneŋbe Satan megen niŋ mar basiŋa yirde Yesu Kristu asogo irde hi gote tareŋ fole irde hi geb, denŋ wor usi porofet goyen fole yirde hanŋyen. ⁵Porofet falkuk gobe megen niŋ mar. Ningeb megen niŋ marte dufay po gama irde saba tagalde hanŋyen. Irkeb megen niŋ marbe

fudinde yeŋ nurde haŋyen. ⁶Goyenpoga neŋbe Al Kurunyen alya bereya. Niŋgeb al kura Al Kurun nurd uneŋ haŋ marbe saba tagaltekeb tumŋaŋ fudinde yeŋ nurde haŋ. Munan Al Kurun ma nurd uneŋ haŋ marbe saba tagaltekeb usi yeŋ nurde haŋ. Niŋgeb mata gwaha tikeb al gobe Satanyen usi mere go minyaŋ ma Holi Spirityen mere fudinde go minyaŋ goyen yeneŋ bebak teŋ hityen.

**Al Kurun niŋ amaneŋ nurde ha kenem al
hoyaŋ niŋ wor amaneŋ nurde hayaŋ**

⁷Be, kadne yago, neŋ beleŋ kadniniŋ ge amaneŋ nurd yuneŋ yuneŋ mata gobe Al Kurun beleŋ duntiŋ. Irde al kura kadom niŋ amaneŋ nurd yuneŋ haŋ mar gobe Al Kurunyen dirneŋ weŋ hitiŋ geb, Al Kurun nurd uneŋ haŋ. Niŋgeb kadniniŋ ge amaneŋ nurd yuneŋ hitek. ⁸Al Kurunbe alya bereya amaneŋ nurd yuneŋ yuneŋ gote miŋ al. Niŋgeb al kura kadom niŋ amaneŋ ma nurde yuneŋ haŋ marbe Al Kurun ma nurd uneŋ haŋ. ⁹Al Kurun beleŋ alya bereya goyen bubulkuŋne wor po yeŋ nurde yuneŋ hiyen gobe gaha mat dikala diriŋ: yeŋbe neŋ al megen niŋ gayen yeŋya hugineŋ hitek yeŋbe Urmiŋ unkuŋeŋ muŋ goyen neŋ gake teŋ kamyen go yeŋ nurdeb teŋ kerke megen gar katiŋ. ¹⁰Niŋgeb neŋ beleŋ wa Al Kurun niŋ amaneŋ nurde untiriŋ moŋ. Neŋ beleŋ gwaha irtiŋeŋbe yeŋ beleŋ po bubulkuŋne wor po yeŋ nurde duneŋbe mata buluŋniniŋ halde dune yeŋ Urmiŋ teŋ kerke megen gar kateŋ neŋ ge teŋ kamyiŋ. Niŋgeb gwaha diriŋ gobe al hoyaŋ niŋ amaneŋ nurd yuneŋ yuneŋ mata fudinde wor po. ¹¹Niŋgeb, kadne yago, Al Kurun beleŋ gwaha mat neŋ gayen bubulkuŋne wor po yeŋ nurd duneŋ hi geb, neŋ wor kadniniŋ ge amaneŋ nurd yuneŋ hitek. ¹²Al kura Al Kurun ma kintiŋ gega, kadniniŋ ge amaneŋ nurde yuneŋ hitekbe Al Kurunbe neŋya hitek. Irde yeŋ beleŋ alya bereya niŋ amaneŋ nurd yuneŋ yuneŋ gote igineŋbe neŋ hitte kurun wor po forok yiyeŋ.

¹³Be, Al Kurun beleŋ Holi Spirit dunyiŋ geb, Al Kurunbe neŋya hike neŋ wor yeŋya hite goyen Holi Spirit beleŋ gab bebak dirde hike nurde hityen. ¹⁴Irdeb Al Kurun beleŋ Urmiŋ goyen alya bereya kurun gayen Yumulgaŋ teŋ teŋ Al hewoŋ yeŋ teŋ kerke megen gar katiŋ hinhin goyen dilniniŋde keneŋ hinhet geb goke gago tagalde hite. ¹⁵Niŋgeb al kura Yesube Al Kurun Urmiŋ yeŋ nurd uneŋ haŋ marbe Al Kurunbe yeŋya haŋ, irke yeŋ wor Al Kurunya haŋ. ¹⁶Niŋgeb Al Kurun beleŋ neŋ gayen bubulkuŋne wor po yeŋ nurde duneŋ hi yeŋ nurdeb yeŋ hitte po tawuŋ heŋ hityen.

Gwahade niŋgeb Al Kurunbe alya bereya amaneŋ nurde yuneŋ yuneŋ mata gote miŋ al. Niŋgeb al kura kadom niŋ amaneŋ nurde yuneŋ yuneŋ mata teŋ hi al gobe Al Kurunya har, irke Al Kurun wor al goya har. ¹⁷Niŋgeb gwaha matbe Al Kurun beleŋ alya bereya niŋ amaneŋ

nurd yuney hi mata gote iginenbe ney belej ga kawan forok irde pasi irtek. Gogab Yesu mata igij tenj hinhin gwahade po, ney wor megen gar henjyabe gwaha tenj hitekbe kame yey belej waj al igijya bulunya pota yird yird nalureb merem yaj ma diryey. Irkeb diliñ mar huwartek goke kafura ma hetek. ¹⁸Fudinde, al kura Al Kurun belej bubulkune wor po yey nurd uney hi goyen bebak tenj hiyen al gobe kafura dufay minmonj hiyen. Gega al kura Al Kurun belej mata bulunminj goke merem yaj yiryey yey nurde hiyey al gobe Al Kurun niñ kafura henj hiyey. Go tenj hiyey gobe Al Kurun belej bubulkune wor po yey nurde yuney hi goyen igij wor po bulun kuram monj goyen kenkela bebak ma tenjbe gogo kafura henj hiyey. ¹⁹Al Kurun wa ney gayen bubulkune wor po yey nurde duntij geb, ney wor yeyya kadinij yagoya niñ amanej nurde yuney hite. ²⁰Munanj al kura, “Nebe Al Kurun niñ amanej nurde uney hime,” yey hi gega, kadam niñ amanej ma nurde haram irde hi al gobe usi al wor po. Al gobe kadam diliñde yeneñ hi goyen goke amanej ma nurde uney hi kenem Al Kurun epte ma kentek al gobe dahadem amanej nurde uney hiyey? Epte monj. ²¹Ningeb Al Kurun belej saba kura dirtij gobe gahade: al kura belej Al Kurun niñ amanej nurd uney hi kenem kadam niñ wor amanej nurde uney hiyey.

Yesu niñ dufayminj sañij irde hañ marte mata

5 ¹Be, al kura Yesu Kristube fudinde Mesaia yey nurde hi al gobe Al Kurunyen dirij. Ney megen niñ albe al kura goke amanej nurde hityen kenem urminj ge wor amanej nurde uney hityen. ²Ningeb neñbe daha mat Al Kurunyen dirijey weñ goke amanej nurde yuney hite yey nurtek? Gobe Al Kurun niñ amanej nurde uney sabaminj po gama irde hitek. ³⁻⁴Fudinde wor po Al Kurun niñ amanej nurde uney hityen kenem sabaminj goyen kenkela gama irde mata tenj hitek. Al Kurunyen dirijey weñbe megen niñ marte mata bulun goyen igij pel irde fole irtek hañ geb, Al Kurunyen saba go gama irtek gobe meteneñ monj. Megen niñ marte mata bulun goyen pel irde fole irde hityen gobe dufayniniñ Yesu niñ tareñ irde hite geb, gogo fole irde hityen. ⁵Goyenbe ganun belej megen niñ marte mata bulun goyen pel irde fole irde hañ? Al kura Yesube Al Kurun Urminj yey dufayminj yenge tareñ irde hañ mar gore po gab megen niñ marte mata bulun fole irde hañ.

⁶Be, al kura, “Fe baptais tenj gab metey tiyey, irde darine wok irde kameñ,” yey megen gar katyij al gobe Yesu Kristu. Yenbe fe baptais po tenjbe metey tiyey yey ma wayyij. Darim wok irde kamde kamde niñ mananj wayyij. Yesu waj gwaha tiyyij goke tagalde hi al gobe Holi Spirit. Holi Spiritbe mere fudinde po tenj hi gore goke tagalde hi. ⁷Ningeb Yesu niñ kenkela bebak titek detbe karwo gago: ⁸Holi Spirit, irde Yon Baptais belej fe baptais iryij goyabe Yesu darim wok irde kamyijya

gogo. Det karwo gobe al unjkuren Yesu goke po yen han, hoyan nin ma yen han. ⁹Al megen nin belen kadam nin tagalke fudinde yen nurde hityen. Goyenpoga Al Kurunyen merebe det kurun wor po, al megen ninde mere folek. Ningeb Al Kurun goreb Urmin goke momon dirde hiyen geb, fudinde wor po yen nurde hityen. ¹⁰Ningeb al kura Al Kurun Urmin nin dufaymin sanin irde hi al gobe Al Kurun belen Urmin goke tagaltin gobe fudinde yen nurde hi. Munan al kura Al Kurun nin hekkeen ma nurde hi al gobe Al Kurun belen Urmin goke tagaltin goyen fudinde yen ma nurde hi geb, Al Kurunbe usi al yen hi. ¹¹Be, Al Kurun belen Urmin ge tagaltin gobe gahade: Al Kurun belenbe yingenya huginen hen hen goyen dunyin, irde huginen hen hen gote min albe Urmin. ¹²Ningeb al kura Urminya awalikde han gobe Al Kurunya huginen hen hen minyan. Munan al kura Al Kurun Urminya awalikde ma han gobe Al Kurunya huginen hen hen goyen minmon.

Nenbe Al Kurunya huginen hen hen goyenninin yan

¹³Be, nebe den alya bereya Al Kurun Urmin goke dufaytin tareh irtin han mar goyen Al Kurunya huginen hen hen matabe dende hitin goyen go nurwon yen asan gago kan dunen hime. ¹⁴Nenbe Al Kurunyen dufay gama irde det kurun gusunan irtekeb gusunanninin huginen wol hen hiyen gobe nurde hite. Ningeb gwahade po diryen yen dufaynninin tareh po kerdeya gusunan irde hite gago. ¹⁵Irde det kurun gusunan irtek kurun goyen wol hen dunen hi yen nurde hite kenem gusunan irtek goyen tumnan yawartek yen nurde hite.

¹⁶⁻¹⁷Ningeb al kura Yesuyen alya bereya kadam kura belen mata bulun kura tiyyen gega, mata bulun gobe Al Kurun belen igin halde untek kenenbe kadam goke Al Kurun gusunan iryen. Irkeb Al Kurun belen yenya huginen hen hen goyen go ma goran iryen. Al Kurun dilinde mata igin mon gobe tumnande mata bulun ala po. Al Kurunbe mata bulun igin halde yunyen gega, mata bulun kurabe epte ma halde yunyen. Ningeb mata bulun kura Al Kurun belen igin halde yuntek mata titin mar goke po Al Kurun gusunan irnayin dinen hime. Fudinde, mata bulun kurabe Al Kurun belen epte ma halde yunyen geb, kame huginen kak alare hinayin. Ningeb kadtin kura gwaha ten hi al goke Al Kurun gusunan ma irnayin dinen hime.

¹⁸Be, Al Kurun Urminbe al kura Al Kurunyen dirin hitin mar goyen kenkela doyan yirde hiyen geb, Satan belen epte ma bulun yiryen. Ningeb al gwahade gobe mata bulun ten teban ma ten han yen nurde hite. ¹⁹Irde megen nin mar kurun gabe Ungurar yufukde han, munan nen Al Kurun nurd unen hite marbe Al Kurunyen dirnen wen yen nurde hite. ²⁰Irde Al Kurun Urminbe nen gare Al Kurun nurde unen hinayin yen megen gar wan bebak diryin goyen wor nurde hite. Ningeb Al Kurunbe fudinde yen

nurde hite. Fudinde, neŋbe Al Kurunya hite. Irde Urminj Yesu Kristuya wor hite. Yesube Al Kurunj fudinde wor po, irde Al Kurunya huginɛn heŋ heŋ gote minj al. ²¹ Ningeŋ, dirinɛne yago, deŋbe megen ninj mar beŋ Al Kurunininj yeŋ det mali doloŋ yirde hanjen goyen yeneŋ bebak teŋbe yilwa yirde hinayin.